

卷十四

書名 弘明集十四卷 寬永十四年活字印本
 撰者 梁 釋·僧佑 輯
 卷 卷十四
 內容分類 子·釋家·雜著
 索書號 貴重- 61
 編號 C6563000

弘明集卷第一

牟子理惑論 三十七篇

正誣論 未詳作者

牟子理惑論 一 六蒼梧太守牟子博傳

牟子既修經傳諸子書無大小靡不好之雖

不樂兵法然猶讀焉雖讀神仙不死之書抑

而天下信以為虛誕是時靈帝崩後天下擾亂

獨交州差安北方異人咸來在焉多為神仙

辟長生之術時人多有學者牟子常以五

經之道家術士莫敢對焉比之於孟軻距

楊墨翟先是時牟子將母避世交趾年二

十歸蒼梧娶妻太守聞其守學謁請署吏

[彩色首頁1](#)

東洋文化研究所漢籍目錄 編號: C6563000
 東洋文化研究所漢籍目錄所藏漢籍善本文影像資料庫 索書號: 貴重- 61
 漢籍善本文影像資料庫文本弘明集十四卷 寬永十四年活字印本
 版權所有: 東京大學 東洋文化研究所
 使用上の注意事項

集
弘明集卷一
二

東京大学東洋文化研究所
No. 153 四 止



不 許 複 製

NOT TO BE REPRODUCED

東京大学東洋文化研究所



弘明集卷第十四

梁釋僧祐撰

墳

竺道爽檄太山文

釋智靜檄魔文

釋寶林破魔露布文

釋僧祐弘明論

竺道爽檄太山文

沙門竺道爽敢告太山東岳神府及都錄使
者蓋玄元創判二儀始分上置璇璣則助之
以三光下設后土則鎮之以五岳陰陽布化
於八方万物誕生於其中是以太山據青龍
之域衡霍處諸陽之儀華陽顯零班之境恒

岱列幽武之賓嵩峙皇川之中鎮四瀆之所
墳此皆稟氣運實無邪之穢神道自然崇正
不偽因天之覆順地之載敦朴方直澹然玄
淨進道四運之端退履五教之精內韜通微
之資外朗道德之明上達虛無下育蒼生含
德潛通無遐不徹遊步九崖翱翔玄闕故能
形無正始呼吸陰陽握攬軋坤推步八荒夫
東岳者龍眷之初清陽之氣育動萌芽玉父
之位南箕北斗中皇九天東王西母無極先
君乘氣鳳翔去此幽玄澄於太素不在人間
蕩消衆穢其道自然而何妖祥之鬼魍魎之
精假東岳之道託山居之靈因游魂之狂詐

感俗人之愚情雕匠神典偽立神形元無所
記末無所經外有害生之毒氣內則百鬼之
流行晝則穀飯成其勢夜則衆邪處其庭此
皆狼蛇之群鬼梟蟒之虛聲自三皇創基傳
載于今歷代所崇未覩斯響也故零征記曰
夫神正者則潛曜幽昧上騰高象下虧玄闕
逍遙雲影龍翔八極風興雨施化若雷電行
厨不設百味自然含慈秉素澤潤蒼生恩過
二養慧若朝陽應天而食不害衆命此乃靈
翔之妙節清虛之神道若神不正者則干於
萬物因時託響傳惑於俗沮成散朴激動人
心傾財極殺斷截衆命枉害中年殂其骨肉

精神離逆痛傷元氣東岳之神豈此之謂也
故枕中戒曰含氣蠢蠕百蟲勿癭無食鳥卵
中有神靈天無受命地庭有形粗稟二儀焉
可害生此皆逆理違道本經群民含慈順天
不殺況害猪羊而飲其血以此推之非其神
也又五岳真神則精之候上法璇璣下承軋
坤稟道清虛無音無響敬之不以歡慢之不
以感千譽萬毀神無增損而汝矯稱假託生
人因虛動氣殺害在口順之則賜恩違之則
有禍咎進退諂偽求無賢軌毀辱真神非其
道也故黃羅子經玄中記曰夫自稱山岳神
者必是蟒蛇自稱江海神者必是鼃鼉魚鼈

自稱天地父母神者必是猫狸野獸自稱將
軍神者必是熊羆虎豹自稱仕人神者必是
猿猴狢獍自稱宅舍神者必是犬羊猪犢門
戶井竈破器之屬鬼魅假形皆稱為神驚恐
萬姓淫鬼之氣此皆經之所載傳之明驗也
自汝妖祥漸踰六載招來四遠靡不響應送
疾而往者如小水歸海獲死而還者哀呼盈
路重者先亡便云筭盡輕者易降自稱其福
若使重患難濟則汝無恩中容之疾非汝所
救三者無效焉可奉事乃令群民投身歸命
既無良醫善藥非散髮之能降經旬歷月曾
無影報以此推之有何證驗又國太元桓王

及封陽六國之懿節三台之輔光贊皇家黎
元慈悅天福謬加體嬰微疾謂汝之祇能感
靈德故宣德信命詣汝神毀獻薦三牲加贈
珍異若汝聖道通軋神致妙者何不上啓九
皇下諮后土參集百靈顯彰妙術使國良輔
消疾獲安旣無響應乃奄薨遐驗此虛妄焉
足奉哉又昔太山石立社移神靈降象遐聲
萬代此則軋坤之所感顯爲時瑞汝託稱其
聖旣不能興雲致雨以表神德曷妖邪以損
真道正使汝能因槃動箸舉杯盡酒猶爲鬼
幻非爲真正況無其徵有何神也又太山者
則閻羅王之統其土幽昧與世異靈都錄使
者降同神行定本命於皇記察都籍於天曹
群惡無細不拾纖善小而無遺摠集魂靈非
生人應府矣而何弊鬼詐稱斯旨橫恣人間
欺殆萬端蓬林之樹烏鵲之野翕動遠近列
于祠典聚會男女樹俗之心穢氣外豐梟聲
遠布毒鍾王境爲害滋甚夫雲霧蔽天群邪
翳正自汝妖異多所傷害吾雖末流備階三
服每覽經傳而覩斯孽推古驗今邪不處正
吾將蕩穢光揚聖道告到嚴鉤魅黨還遊冢
基餐果飲泉足生之路旣今群民無傾財之
困鳥獸無羅網之卒若復顧戀望餐不去者
吾將宜集毘沙神王忉羅子等授以金剛屯

真師勇武秋霜陵動三千威猛難當曜戈明
劍擬則推山降龍伏魔靡不稽顙汝是小鬼
敢觸三光鶴毛入炭魚行鑊湯傾江滅火朝
露見陽吾念仁慈愍汝所行占此危殆慮即
傷心速在吾前復汝本形長歸萬里滄浪海
邊勿復稽留明順奉行

檄魔文

釋智靜

釋智靜頓首頓首明將軍輪下相與玄塗殊
津人天一統宗師雖異三界大同每規良會
申展曩積而標榜未冥所以致隔今法王御
世十方思順靈網方申絃綱彌組大通有期
高會在近不任翹想並書喻意耳

夫時塞有通否終則泰千聖相尋群師迭襲
昔我皇祖本原天王體化應符龍飛初域節
權形以附萬邦奮慧柯以覆六合威蕩四邪
掃清三六方當抗橫縱於八區組絃綱於宇
宙夷靜七荒寧一九土而冥宗不吊真容擬位
重明寢暉靈舟覆浪故令蟻聚邪番興茲梟
見暴起曠深真塗塵惑清衆虛鍾蒼生毒流
萬劫懷道有情異心同忿我法王承運應期
理亂上承高胄下託群心秉天旗以籠三千握
聖圖以隆大業雲起四宮鸞翔天竺降神迦
維爲時城漸綏撫黎元善安卿士辨導群情
慰喻有疾嚴慧柯於曾中被神甲於身外愍

十八之無辜哀三空之路絕志匡大荒靖安
平難百域千邦高伏風化承君不忌重迷自
覆深攝愚懷故守偽見狼據欲天鷄鳴神關
叛換壇場抗距靈節謂大位可登弘規可改
覽茲二三遠爲歎息昔大通統世群方影附
有偽癡天魔不遵改節干迕聖聽陳擾神慮
領卒歸區權形萬變精甲照曦霜戈拂域靈
鼓競興響衝方外矯步陸梁自謂強盛王師
一奮群邪殊喪衆迷革心望風影伏況君單
將驍然一介士無方尋衆不成旅而欲違背
陵虛華邑篡奪靈權騰邈最勝以爲氣真可
不謬乎今釋迦統世道隆先劫妙化蕩蕩神

羅遠御智士雍雍雲筭蓋世武夫龍跳控弦
萬隊協略應真奇謀超拔故命使持節前鋒
大將軍鑒閣浮都督歸義侯陸陔波崙獨稟
天奇蒙塵玄鏡神高須彌猛氣籠世善武經
文忠著皇闕領衆十萬億揚鑣首路使持節
威遠大將軍四天都督忉利公導師武勝標
群文超宏謀妙思絕塵心攝夢表憂時忘身
志必匡世領衆百萬億鸞飛天衢使持節征
魔大將軍六天都督兜率王解脫月妙思虛
玄高步塵表略竝童真功侔九地悼愍三塗
忿若縱害校却慷慨龍迴思奮領衆四百萬
億雲廻天門使持節通微大將軍七天都督

四禪王金剛藏朗質映暉金顏遐燭恩過九
陽力傾山海右眇則濛汜飛波左顧則扶桑
落曜德無不照威無不伏領衆七百萬億虎
眇須彌使持節鎮域大將軍九天都督八住
王士大維摩詰竒筭不思法柯遠震體合神
姿權踰萬變呼吸則九服雲從咄吒則十方
風靡哀彼下民無辜三楚領衆九百萬億飲
馬虛津使持節鑒後大將軍十三天都督小
千諸軍事九住王士大文殊承曹遐元形暉
三曜胤自紫宮神高體大應適千塗玄竿萬
計群動感於一身衆慮靜於一念深抱慈悲
情兼四攝領衆若塵翺翔斯在使持節匡教

大將軍錄魔諸軍事群邪校尉中千王觀世
音智略淵深慧柯遠振明達四通朗鑒三固
或託迹群邪曜音鋒起或權形二九息彼塗
炭揮手則鐵圍摧巖噓氣則淨雲頽愕能爲
萬方不請之友領衆不思杖戈虎嘯使持節
布化大將軍三界都督補處王大慈氏妙質
蹤網天姿標桀體踰金剛心籠塵表猛氣衝
雲慧柯遠奮無生轉於胸中權智應於事外
志有所規無往不就威恩雙行真俗並設領
衆八萬四千嚴驚待命勇出之徒充逸大千
金剛之士彌塞八極咸恩助征席卷六合乘
諸度之寶軒守八正之修路跨六通之靈馬

控虛宗之神轡，彎四禪之勁弓。放權見之利，
箭鳴驥桓桓，輕步矯矯奉命聖庭。曾無有關，
貴邦導師勝子五百，幽鑒天命來投。王化聖，
上開襟感炁歸順，皆受名爵封賞。列土功侔，
舊臣聲蓋萬域。而君何心橫生異計，偃蹇荒，
邊規固常位。毒害勃於蒼生，天禍流於求劫，
可不哀哉。可不謬哉。君昔因時爲物所惑，狂，
迷君心投危外竄。百行一愆，賢達常失。久謂，
君覺智返，愚歸罪象。季來身抽簪，同遊群僊，
以道自權。榮名終始如何，攝愚守謬。偷安邪，
位託癡山，以自高恃。見林以遊息，耽六欲之，
穢塵翫邪迷。以怡性建，憍慢之高幢。引無明，
之匈陣闊步荒塗。輕弄神器，盜篡天宮。抗衡，
日月恐不果哉。舉手而映三光，把土以填巨，
海雖擬心虛標。事之難就，將軍殖福玄津。原，
承彌遠華貌，睥然群情屬目。望曾之基，易登，
由來之功。可借君可改往修來，翻然歸順。謝，
過朱門以道齊好家國，竝存君臣同顯身名，
獲安曉自迷達觀。眷屬晏然可不美哉。今王，
師剋舉十萬翹轡，手提法羅齊舞群聖道柯，
曜於前驅靈鼓震於後隊。神鍾一叩十方傾，
覆海浪飛流陸原涌沸于斯之時，須彌籠於，
一塵天地迴於一粟。無動安於左襟，妙樂曜，
於右手神力若斯。豈可當也。我法王體道仁，

慈不忍便襲權停諸軍暫壹靈轡臨路遣書
庶迴迷駕君可早定良圖面縛歸闕委命皇
庭逍遙玄境隆名內暉遊形外寄上方即任
非君是誰夫慧當識機明貴免禍窮而知反
君子所美斯乃轉禍之高秋取功之良節昔
夏桀背主殷王致伐商紂首亂周武建師此
即古今著龜將軍之明誠相與雖乖於當年
風流同味人天崎嶇何足致隔想便懽然通
書致命所以竊痛其咎委曲往文者不欲令
蘭芳夏凋脩柯摧頽深思致言善自量竿無
使君身傾匡三趣莫令六天鞠生稊稗造穎
目助懷惕然臨路遣書諸情多憤言不藉意

破魔露布文

釋寶林作

賢劫大千微塵年五濁鼎沸朔現壽百齡日
使持節都督恒沙世界諸軍事征魔大將軍
淨州刺史十地王臣金剛藏使持節都督八
萬波羅蜜諸軍事破結將軍領魔蠻校尉大
司馬梵州刺史八地公臣解脫日等稽首和
南上聖朝尚書謹案夫六合同曜靈之鑒群
流歸百谷之王萬化均于空玄衆竒宗於一
智斯蓋理有宗極之地統物無殊趣之會是
以如來越重昏而孤興蔚勤功於曠劫曜三
塗之高明拔洪癡於始造窮聖德之區奧究
無生之虛致覽物化之樞機握宏德之絃紐

至若英姿挺特神光赫奕雖復千暉並照固已絕矣身殊萬狀而非衆體合至妙而不一應出五道而非生示入形亡而非滅希夷恍惚無名無像莫測其深靡知其廣應群感而不勞周萬動而常靜歷恒沙以倏忽撫八荒於俄頃兩儀頽陷而不夷力負潛移而不易吸大火而不焦懷洪流而不溺軋坤不足以語其德文玄不足以明其道巨苞六合不可以稱其大妙入無間不可以名其小尔乃亭毒蒼生化兼始毋無欲無爲而無不爲翱翔于應變之塗逍遙于有無之表挺達羣聖之端恬淡涅槃之域二乘韜思於重忘之致十

住息慮於動靜之機梵王咨嗟以歸德帝釋伏膺而厭位其爲聖也亦已極矣於是應定光之遐記驗大通之圖錄出五道而龍興超帝皇以命世道王三界德被十方畿甸恒沙都邑大千偃九定之閑室登七覺之雲觀濯八解之清池遊揔持之廣苑尔乃戴慈悲之殿處空同之座袞龍衆好天冠頂相左輔彌勒之流右弼文殊之足前歌大方之雅頌後舞四攝之鑿拂衛以八住體虛之士侍以四果卓落通仙三臺唯聖六府唯賢尔乃宣教姬孔宰守虞唐揚威湯武州牧三皇其爲化也坦八正之平衢開三乘之通津列無爲之

妙宅濟大苦於勞塵杜三惡之姦路啓權樂
於天人爵以果伯之位祿以甘露之餐功巨
者賞以淨土之封勲小者指以化城之安此
乃超百王之洪業太平之至治也五趣官身
之清朝四生土位之宗極而群迷愚嶮背真
弥曠欣濡沫之近足忘江湖於遠全故魔王
波旬植愚根於曠始積迷心於妄境沉三染
之洪波入邪見之稠林至乃竊弄神器假偽
冒真夸王天宮分列嶽土制命六天縱肆偏
威內以三公諸毒卿相九結外以軍將六師
戎卒四立內行跋扈不忌皇憲自火螢光爭
暉天照故乃頃者抗行神威揚丘道樹震雷

公霹靂之聲列擔山吐火之衆又持世惑
於靜室波崙悲號於都肆斯皆癡狂縱虧于
聖節作亂中夏爲日久矣聖皇悼昏俗之聾
瞽悲弱喪以增懷將揔群邪以齊見會九流
而同津於是命將大勢之徒簡卒金剛之類
茹金嚼鐵之夫衝冰蹈火之士勇卒塵沙驍
雄億萬星流風發龍騰魔境置軍萬全之策
逼殺必死之野而魔賊不祇敢執蠻荆之蠹
尔抗宗糴之逋傲建麾於自憍之地結固雲
迷之嶮傍唐重複俠疊鱗次且其形勢則癡
山嵯峨固其前愛水浩汗張於後邪林蔚蒼
蒙其左癡澗淵玄帶其右塵勞之卒豺視於

交境六師之將虎步於長達望若雲起蔽天
霧塞六合其爲盛也開關罕有臣等於是承
聖朝之遐威出超畷之奇略蓋以高筭之籠
玠以玄策之圍精騎千重步卒萬市遊師翳
野屯塞要害使前將軍檀那望慳麾以直進
後軍毘耶楚懈卒於其後禪那略泐騎於其
左尸羅防密姦於其右外軍漚和浪騎隊於
平原之上走逗兵於詰屈之下陳虎旅而高
驤設危機於幽伏中軍般若握玄樞之妙鑒
把戰勝之奇術控億兆之雄將擁塵沙之勁
卒於是衆軍響應萬塗競進感動六合聲震
天地雄夫奮威浪奔白刃之光奪於曦曜法

鼓之音亂於雷震鞞馬趁趨以騰擲迅象飛
控以馳驅禪弓烟舉而雲興慧箭雨灑以流
虛鞭以假名之策蹴入無有之原研以師子
之吼刺以苦空之音揮干將而亂斬動戈矛
而競偃橫塵尸以被野流勞血於長川崩癡
山之嵯峨竭愛水之洪流窮僭於諸見之窟
挫高於七慢之巢於是魔賊進無抗鱗之用
退無希脫之隱慮盡路窮迴遑靡據魔王面
縛於魔庭群旅送命於軍門諸天電卷以歸
化迷徒風馳於初暉皇威掃蕩其猶太陽之
燬晨霜注洪流以滅燭火故使萬世之逋殺
土崩於崇朝中華之昔難肅清於俄頃斯誠

聖皇神會之奇功曠代著世之休列雖昔殷湯建雲功於夏郊周武掃清氛於商野斯乃上古之雄奇豈以得齊於聖勲臣輒奉宣皇猷綏慰初附安以空同之宅充以八解之流防以戒善之禮習以六度之風耆年者悟其即真於新唱弱喪者始聞歸與之音夫應天順罰春秋之道興功定亂先王所美元惡以賓祗從聖憲六合同明廓清宇內玄風遐扇率土懷慶朝有康哉之歌野有樂哉之詠功高道大非見所表聖慮幽深非言能宣粗條皇威奇筭之方又列衆軍龍驤之勢電驛星馳謹露布以聞臣等誠惶以下

余以講業之暇聊復求日寓言假事庶明大道冀好迷之流不遠而復經云涅槃無生而無不生至智無照而無不照無生無照一切皆成成無成而無不成其唯如來乎戰勝不以干戈之功略地不以兵強天下皇王非處一之尊霸臣非桓文之貴立姬之教於斯遠矣聃周之言似而非當故知宗極存乎俗見之表至尊王於真鑒之裏中人躊躇於有無之間下愚驚笑於常迷之境令庶覽者捨河伯秋水之自多遠遊于海若之淵門不束情於近教而駭神于長廣之說也

弘明論後序 釋僧祐

余所集弘明爲法禦侮通人雅論勝士妙說
摧邪破惑之衝弘道護法之塹亦已備矣然
智者不迷迷者乖智若導以深法終於莫領
故復撮舉世典指事取徵言非榮華理歸質
實庶迷塗之人不遠而復摠釋衆疑故曰弘
明論云夫二諦差別道俗斯分道法空寂包
三界以等觀俗教封滯執一國以限心心限一
國則耳目之外皆疑等觀三界則神化之理
常照執疑以迷照群生所以永淪者也詳檢
俗教並憲章五經所尊唯天所法唯聖然莫
測天形莫窺聖心雖敬而信之猶矇矇弗了
況乃佛尊於天法妙於聖化出域中理絕繫

表肩吾猶驚怖於河漢俗士安得不疑駭於
覺海哉旣駭覺海則驚同河漢一疑經說迂
誕大而無徵二疑人死神滅無有三世三疑
莫見真佛無益國治四疑古無法教近出漢
世五疑教在戎方化非華俗六疑漢魏法微
言代始盛以此六疑信心不樹將溺宜拯故
較而論之若疑經說迂誕大而無徵者蓋以
積劫不極世界無邊也今世咸知百年之外
必至萬歲而不信積萬之變至於曠劫是限
心以量造化也咸知赤縣之表必有四極而
不信積極之遠復有世界是執見以判太極
也昔湯問革曰上下八方有極乎革曰無極

之外復無無極無盡之中復無無盡朕是以知其無極無盡也上古大賢據理訓聖千載符契懸與經合并識之徒何智得異夫以方寸之心謀己身而致謬圓分之眸隔墻壁而弗見而欲侮尊經背聖說誣積劫罔世界可爲愍傷者一也若疑人死神滅無有三世是自誣其性靈而蔑棄其祖禰也然則周孔制典昌言鬼神易曰游魂爲變是以知鬼神之情狀旣情且狀其無形乎詩云三后在天王配于京升靈上旻豈曰滅乎禮云夏尊命事鬼敬神大禹所祗寧虛誕乎書稱周公代武云能事鬼神姬旦禱親可虛罔乎苟亡而有靈則三世如鏡變化輪迴孰知其極俗士執禮而背叛五經非直誣佛亦侮聖也若信鬼於五經而疑神於佛說斯固聾瞽之徒非議所及可爲哀矜者二也若疑莫見真佛無益國治則禋祀望秩亦宜廢棄何者蒼蒼積空誰見上帝之貌茫茫累塊安識后稷之形民自躬稼社神何力人造庸畷蜡鬼奚功然猶盛其牲牲之費繁其歲時之祀者豈不以幽靈宜尊教民美報耶況佛智周空界神凝域表上帝成天緣其陶鑄之慈聖王爲人依其亭育之戒崇法則六天咸喜廢道則萬神斯怒今人莫見天形而稱郊祀有福不覩金容

而謂敬事無報輕本重末可爲震懼者三也
若疑古無佛教近出漢世者夫神化隱顯孰
測始終哉尋義農緬邈政績猶湮彼有法教
亦安得聞之昔佛岳澄知臨淄伏石有舊像
露盤犍陀勒見槃鴉山中有古寺基墟衆人
試掘並如其言此萬代之遺徵晉世之顯驗
誰判上古必無佛乎列子稱周穆王時西極
有化人來入水火貫金石反山川移城邑乘
虛不墜觸實不礙千變萬化不可窮極既能
變人之形又且易人之慮穆王敬之若神事
之若君觀其靈跡乃開士之化大法萌兆已
見周初感應之漸非起漢世而封執一時爲

嘆息者四也若疑教在戎方化非華夏者則
是前望執地以定教非設教以移俗也昔三
皇無爲五帝德化三王禮形七國權勢地當
諸夏而世教九變今反以至道之源鏡以大
智之訓感而遂通何往不被夫禹出西羌舜
生東夷孰云地賤而棄其聖丘欲居夷駢適
西戎道之所在寧選於地夫以俗聖設教猶
不繫於華夷況佛統大千豈限化於西域哉
案禮王制云四海之內方三千里中夏所據
亦已不曠伊洛本夏而鞠爲戎墟吳楚本夷
而翻成華邑道有運流而地無恒化矣且夫
厚載無壘寰域異統北辰西北故知天竺居

中今以區分中土稱華以距正法雖欲距塞而神化常通可爲悲涼者五也若疑漢魏法微晉代始盛者道運崇替未可致詰也尋沙門之修釋教何異孔氏之述唐虞乎孔修五經垂範百王然春秋諸侯莫肯遵用戰伐蔑之將墜于地爰至秦皇復加燔燼豈仲尼之不肖而詩書之淺鄙哉迨及漢武始顯儒教舉明經之相崇孔聖之術寧可以見輕七國而遂廢後代乎案漢元之世劉向序仙云七十人出在佛經故知經流中夏其來已久逮明帝感夢而傳教稱佛於是秦景東使而攝騰西至乃圖像於關陽之觀藏經於蘭臺之室不講深文故莫識奧義是以楚玉修仁潔之祠孝桓建華蓋之祭法相未融唯神之而已至魏武英鑒書述妙化孫權雄略崇造塔寺晉武之初機緣漸深耆域耀神通之跡竺護集法寶之藏所以百辟摺紳洗心以進德萬邦黎憲刻意而遷善暨晉明轂悟秉壹棲神手畫寶像表觀樂覽旣而安上弘經於山東什公宣法於關右精義旣敷實相弥照英才碩智並驗理而伏膺矣故知法雲始於觸石慧水流于濫觴教必有漸神化之常感應因時非緣如何故儒術非愚於秦而智於漢用與不用耳佛法非淺於漢而深於晉明與

不明耳故知五經恒善而崇替隨運佛化常
熾而通塞在緣一以此思可無深感而執疑
莫悟可為痛悼者六也夫信順福基迷謗禍
門而況矇矇之徒多不量力以已所不知而
誣先覺之遍知以其所不見而罔至人之明
見鑒達三世反号邪僻專拘目前自謂明智
於是迷疑寒曾謗讟盈口輕議以市重苦顯
誅以賈幽罰言無錙銖之功慮無毫釐之益
逝川若飛藏山如電一息不還奄然後世報
隨影至悔其可追夫神化茫茫幽明代運五
道變化于何不足天宮顯驗趙簡秦穆之錫
是也鬼道交報杜伯彭生之見是也修德福

應殷代宋景之驗是也多殺禍及自起程普
之證是也現世幽微備詳典籍來生真應布
仁尊經但緣感理奧因果義微微奧難領故
略而不陳前哲所辨關鍵已正聊率鄙懷繼
之于末雖文非珪璋而事足鑿鑿惟愷悌君
子自求多福焉

弘明集卷第十四

墳

撒胡的反剗反判反始初狀璇璣依反似宣反下居

也高時下息反中也也也鞞土高反朝翔上

高反下音祥也梟蟻下古堯反逆鳥也沮成上

呂反殂死在胡反離逆下必孟也蠶蠕音尺尹反細

也 蟲 勿 癭 反 下 一 頂 龜 鼉 元 陀 二 音 魚 鼈 下 非 井 貓

狸 上 莫 交 反 反 熊 羆 熊 黑 羆 黃 其 形 一 似 狛 獾

上 音 加 下 俱 縛 反 猪 犢 牛 音 讀 奄 薨 反 上 邑 檢

忽 亡 反 也 動 箸 亦 作 筋 反 舉 杯 字 下 盃 織 善 息

廉 反 也 禽 動 及 反 許 豐 反 許 近 翳 正 計 反 一 孽 妖 列 反

細 也 反 羅 和 音 曜 戈 和 反 古 稽 顙 蘇 朗 反 啓 下 鶴 毛 上

反 篤 稽 留 上 音 囊 積 反 昔 也 黨 標 榜 音 上 必 苗 反 也

絃 綱 上 惠 萌 反 綱 時 塞 則 反 桑 否 終 反 上 皮 美 迭

襲 手 也 徒 結 反 音 習 慧 柯 也 下 音 哥 斧 柄 抗 反 苦 浪 組

古 登 也 反 暄 反 一 計 虐 反 魚 却 曹 直 又 反 綏 撫 上 音

也 無 辜 罪 也 音 姑 鷓 鴉 上 尺 叛 換 伴 音 壇 場 亦 薑

分 也 二 音 界 亢 距 二 抗 推 干 迂 觸 下 音 悟 照 曦 反 下 日 與 宜

矯 步 反 上 居 小 殄 喪 下 上 徒 典 反 驍 然 反 上 勇 也 一

介 下 音 界 也 篡 奪 上 患 反 初 龍 跳 條 音 都 督 下 音 揚 鑣

反 同 必 苗 標 群 反 上 必 苗 功 侔 下 音 牟 慷 慨 反 上 芸 朗

反 變 右 眇 視 也 音 麵 濛 汜 水 上 音 蒙 下 音 似 啣 吒 上

骨 反 下 飲 馬 聲 去 胤 嗣 也 覲 反 噓 氣 虛 上 音 頹 愕

竹 嫁 反 下 飲 馬 聲 去 胤 嗣 也 覲 反 噓 氣 虛 上 音 頹 愕

上 徒 回 反 下 吟 傾 化 鸞 烏 還 鳴 驥 反 下 居 異 桓

吾 各 反 中 反 下 吟 傾 化 鸞 烏 還 鳴 驥 反 下 居 異 桓

桓 惠 官 反 威 反 自 開 襟 下 音 偃 蹇 展 反 居 竄 鹿 等 反

愆 去 也 軋 反 抽 簪 反 下 側 參 雋 字 盜 篡 下 初 亢 衡

上 苦 浪 反 目 高 視 也 庚 擘 然 上 鬼 反 羽 著 龜 草 上 音 戶 日

造 穎 上 七 到 反 禾 穗 也 下 余 惕 然 上 他 憤 反 房 粉 反 蔚

音 鬱 也 絃 紐 九 反 惠 萌 反 下 女 挺 特 頂 反 他 赫 弈 許 上

容反明盛也音况惚下音兄往反倏忽上音恬淡徒

亦反安靜也徒敢馘甸二音殿袞龍本反古鑿拂端上反

濡沫下音而朱反稠林上直竊弄切音夸王音上

去聲下跋扈上蒲末反縱橫也音茹金反上而無嚼鐵

約反才宗糴苦也外反逋傲蒲反必建麾反下許為重

複下音平福呼俠疊下音音叶嗟峨吾上何反何反下

也漲於向反知扇薈上於勿反下盛負反豺音柴

狼長達反下路也追開闢益反毘憚六反秋漚和鳥

上七合反騰躍也羊反勁卒下居政反反健也趁趨

則卧燭火約音雀又才逋殺也上必蒲反候反逃

也賊綏慰安也音雖駢周老子名其反躊躇上直流

除之負未漸反七駸迂誕下音兄于大也曲也較而

也一音教比一眸莫浮反侮音武誣謗音無祖禰

下乃禮反上旻天音閩裡祀音因似二望袂一下遲

祭庸暎知音劣反容正作墉墻也下蜡鬼祭上音乍

也儀牲音上興宜反下緬邈下眉遠也反績功子曆反

湮沈音因臨淄下側槃鴟下尺堦音隻戎墟下

虛反也一寰域還音燔燼上音煩下徐刃反不

肖似下音笑傳毅魚上音付下百辟下官必亦反摺

紳進申二暨及其器反穀悟反上羊歲濫觴上反即

下音傷也一痛悼下音盜謗黷下音誅誅反芳尾

非以賈馬下古鎚銖銖上側茲反下音殊六毫釐

日下力之反十釐日分毫關鍵件下音珪璋音圭章二盤鑿

音釐十釐日分毫關鍵件下音珪璋音圭章二盤鑿

上音盤
下鑒容
愷悌
音弟和樂貞

奉再興
佛說一切經藏

今上皇帝
玉體安穩

東照權現
倍增威光

征夷大將軍左大臣源家光公武運長久

四海泰平
國家豐饒

佛法紹隆
利益無窮

日本武州江戸東叡山

山門三院執行探題前昆沙門堂門跡


大僧正天海願主

寬永十四丁丑曆十二月十七日

林氏幸宿花溪居士葉行



所
圖
書



不 許 複 製

NOT TO BE REPRODUCED

東京大学東洋文化研究所